

**Sisimiut Kangerlussuullu akornanni qallersugaanngitsumik aqqusinermik  
sanaartornermi Namminersornerullutik Oqartussanit inatsisitigut aningaasartuutissat  
pisariallit tamaasa ingerlatsinermi aningaasartuutit kommunip nammineq  
isumagissappagit qulakkeerneqarnissaannut Naalakkersuisut peqquneqarnissaannik  
Inatsisartut aalajangiiffissaattut siunnersuut.**

(Inatsisartunut ilaasortaq Anders Olsen, Siumut)

### **Akissuteqaat**

(Ineqarnermut Attaveqaasersuutinullu Naalakkersuisoq)

### **Appassaaneerneqarnera**

Sanaartornermut Ataatsimiititaliaq Inatsisartut aalajangiiffisassaaattut siunnersuut  
saqqummiunneqartoq pillugu isumaliutissiisummik tunniussivoq.

Ataatsimiititaliap isumaliutissiissuteqarneranut aammalu siunnersummik peqqissaartumik  
siammasissumillu suliaqarneranut Naalakkersuisuniit qujavugut. Ataatsimiititaliamiit  
aalajangiiffisassatut siunnersuutip imarisaani immikkoortut pingasut tamaasa  
misissorsimavai, aammalu inatsisiornissaq, aningaasalersuinissaq ingerlatsinissarlu  
aqusaarsimallugit. Tassunga ilanngullugu ataatsimiititaliap suliamini nalunaarusiat  
tunngaviusut misissorsimavai.

Naalakkersuisuniit suliap ingerlaqqinnissaanut, taamaalillatalu aamma Sanaartornermut  
Ataatsimiititaliap suleqatiginissaanut qilanaarpugut.

Ataatsimiititaliaq isumaliutissiisummini allappoq, nuna queriuannartoq aassappat aammalu  
asimi aqqusinernik aseruissappat aningaasaqarnikkut kingunerisassat pillugit paasissutissat  
ataatsimiititaliamiit piumaneqartut.

Sanaartornissamut, aserfallatsaaliuinissamut ingerlatsinissamullu apeqqutit inatsisiornermut  
atatillugu suliarineqassapput allaaserineqassallutillu. Tamanna kommunit suleqatigalugit  
pissaaq. Apeqqutit sukumiisumik akissuteqarfingisinnalerukkit ataatsimiititaliaq  
ilisimatikkumaarpura.

Tamatuma saniatigut Naalakkersuisut iluarismaarlugu paasivaat, ataatsimiititaliap  
isumaqatigiissup allannguutissatut siunnersuut Naalakkersuisunit saqqummiunneqartoq  
akuuerisassanngorlugu innersuussutigaa.

Taamatut naatsumik oqaaseqarlunga Naalakkersuisuniit allannguutissatut siunnersuut  
akuuerisassanngorlugu innersuupparput.